

Gado le mal aimé

Alú álúrúqú naáru wɔɔjɔɔ ná, nge waalúru bíya nɔɔnáázá bána bedée Gádó, baalú nɔwónúwá. A waalá ge si idée kídíím cáádi, na ito bíya ɗaɗ, káma, kutóótu we ína. Tóo, ibíya beɓm badaá, idánjaa nuuwa íní, a weedée ge woogóyúu kídíím ge wɔɔgóni, na iyáa wenbá ɪzɔɔléé we né :

Tasánla, Tasánla yée zóo kícá, Tasánlása zóo kícá

Tacaarí Gádó zóo kícá... Taaríyétu lɔmɛ báátánáa...

A weedée yéɓdi iyáa belé bulé, na belé bakálu bamúzu. Belé baagálu bedji né, na bɔlɔɔ babísi ɗaɗ-ɗaá, bika weení idánjaa yi né, ilé idángalu. Tóo, a budé na umú kɔ́wɔ idée, a weedée bulé, na kumelen (Kútoɔkú) ikóni, a (Kutoɔkú) wɔɔgóni na kulé kitée :

Dazánla, Dazánla yée zóo gijáa Dazánlása zóo gijáa

Dajaarí Gádó zóo gijáa, Daaríyétu bóótónée

Héyi, a si bakálu na bíya-ɗaá weení kɔ́wɔ tánjaa yi né itó we sisi : bákákalu, bidekéé beɓm bɔgɔɔ-dée lowú nbulé, mígɔɔ-dée lowú ɔ́ɔɔ ɗó ? Na bɔɔɔ, na Kútoɔkú ikpóo níbááwu. Na kɔ́wɔ ikóni, a kɔ́wɔ wɔɔgóni, na itée :

Tasánla, Tasánla yée zóo kícá, Tasánlása zóo kícá

Tacaarí Gádó zóo kícá... Taaríyétu lɔmɛ báátánáa...

Na bakálu bamúzu, baagálu bamúzu né, na kumelen ikábisi, ilé waagábisi né, na ilé itási itée :

Dazánla, Dazánla yée zóo gijá, Dazánlása zóo gijá

Dajaarí Gádó zóo gijáa... Daaríyétu bóótónée.

Kumelen weedée bulé né, na bú umú ikiziná baaganáa sisi : bákákalu na butáwalí. Aayí, na kumelen ikpóo níbááwu, na kɔ́wɔ ikábisi. Tooɔo-dée kɔ́wɔ waagábisi né, nge weedée, weedée né, nge baagálu bamúzu. Bínáábílé kumelen ɗɗɗ waagálu. Tóo, bina bidée né, kumelen lowú weeléezi nge kugbóo :

Tasánla, Tasánla yée zóo kícá, Tasánlása zóo kícá

Tacaarí Gádó zóo kícá... Taaríyétu lɔmɛ báátánáa...

Nge baagálu, baagálu né, nge kumelen wɔɔɔɔ we. Kumelen wɔɔɔɔ we né, nge buga Gádó, bú weení kɔ́wɔ tánjaa yi né iriké. Kɔ́wɔ wɔɔgóni né nge weedée :

Tasánla, Tasánla yée zóo kícá, Tasánlása zóo kícá

Tacaarí Gádó zóo kícá... Taaríyétu lɔmɛ báátánáa...

Weedée bulé né, badakálu, nge waadási itée :

Tasánla, Tasánla yée zóo kícá, Tasánlása zóo kícá

Tacaarí Gádó zóo kícá... Taaríyétu lɔmɛ báátánáa...

Nge Gádó wɔɔgɔ́jó yí. ɛ́lé ɔ́ɔɔ́ weegéde :

Tasánla, Tasánla yée yaamútúuu, Tasánlǎa yaamútúuu...

Tacaarí Gádó yaamútúuu... Taaríyétu lɔmɛ yaamútúuu...

Nge kɔ́wɔ waazála wíidi, nge wɔɔmɔ́ɔ ɛ́yǎa bú sɪsɪ :

Gádó Gádó yée zóo kɪcǎ, Gádó yée zóo kɪcǎa

Tacaarí Gádó zóo kɪcǎ... Taaríyétu lɔmɛ Gádó yée...

Nge bú waagálu, bú waagálu né, nge bú weegízi muzúu, nge bú weegízi muzúu wénwíí. Biiyéle ɔ́ɔ́wɛ ɔ́úúlínya-daá né, a nyáálúru nyébíya, nkɔ́tɔ́ sɪsɪ ceení ge mɔ́zɔ́lɛɛ, mǎdánjaa ceení, nyáási weení sɪ ɪkɔ́nɪ ɪkébéénɪ nya né.